



**PENGERUSI JAWATANKUASA
KIRA-KIRA WANG NEGARA (PAC)
MERANGKAP AHLI PARLIMEN IPOH TIMUR**
PEJABAT JAWATANKUASA KIRA-KIRA WANG NEGARA
PARLIMEN MALAYSIA, JALAN PARLIMEN
50680 KUALA LUMPUR

Tel : 03-2601 7263 / 2698 6852 (DL)
Faks : 03-2698 9218
Email : pacparlimen@parlimen.gov.my
Laman Web : <http://www.parlimen.gov.my/pac>

27 Julai 2021

KENYATAAN MEDIA

PAC Cadangkan Kerajaan Tetapkan Harga Siling Pempvaksin Sinovac

1. Jawatankuasa Kira-Kira Wang Negara (PAC) mencadangkan kepada Kerajaan supaya menetapkan harga siling bagi pempvaksin Covid-19 apabila vaksin Sinovac dijual kepada rakyat.
2. Penetapan harga siling berkenaan yang meliputi harga vaksin oleh Pharmaniaga serta kos yang dikenakan oleh klinik atau hospital swasta adalah amat perlu supaya harga pempvaksin adalah pada tahap wajar dan tidak membebankan Rakyat.
3. Jawatankuasa mengambil maklum bahawa Kerajaan akan membenarkan penjualan vaksin Covid-19 di pasaran terbuka bermula pada Ogos depan dan adalah penting supaya harga siling untuk pempvaksin berkenaan ditetapkan dan diumumkan kepada rakyat dengan segera.
4. Jawatankuasa ini juga mengambil maklum harga untuk pempvaksin Covid-19 sudah mula dipromosikan dan harga yang ditetapkan adalah tinggi berbanding dengan harga yang sepatutnya.
5. Berhubung mengenai prosiding Perolehan Vaksin Covid-19 dan Penggunaannya Terhadap Rakyat Malaysia, Menteri Sains, Teknologi dan

Inovasi, YB Khairy Jamaluddin telah hadir di hadapan Jawatankuasa ini untuk kali kedua pada hari ini.

6. Prosiding berkenaan bermula pada jam 1030 pagi dan berakhir pada jam 1 petang, turut dihadiri YBhg Datuk Ir Dr Siti Hamisah Tapsir, Ketua Setiausaha (KSU) MOSTI dan Dr Mohd Noor Azman Hassan, Timbalan KSU (Pembangunan Teknologi) MOSTI.

7. PAC akan meneruskan prosiding berhubung isu ini pada hari esok, 28 Julai 2021 dengan memanggil Menteri Kewangan, Tengku Datuk Seri Zafrul Tengku Abdul Aziz.

8. Manakala pada minggu hadapan, Menteri Kesihatan, Datuk Seri Dr Adham Baba bersama Ketua Pengarah Kesihatan, Tan Sri Dr Noor Hisham Abdullah akan hadir di hadapan PAC bagi memberikan keterangan berhubung prosiding yang sama.

Sekian, terima kasih.

YB Wong Kah Woh